



MANGÉ CERN - SCE O NO?



N vëndres röia i jomelins Sarah y Erich a ciasa da scora döt agitá. Ai ti cunti a sü geniturs che ai á aldí a scora de che al ti sozed ai tiers tan de burtes cosses. Te classa ái baié dl trasport de tiers, de zidlamënc intensifs y de maza de tiers. Sciöche classa ái ince tut la dezijiun da invié ia na racoiüda de sotescriziuns, da realisé n placat y da le taché spo sö te scora. De te cosses tan scandaloses ne pó nia gní azetades!

La domënia pro marëna é Sarah y Erich sentá pro mësa cun sü geniturs, ai se mangia na bona snizel cun soni y sogá a cumpedé sö ci che ti sá le miú. Nia ma la snizel, mo bëgn ince le rost dla lâ ti sá dër bun a intrami y sambëgn ince i hamburger che an ciafa da cumpré dal chiosch dailó dlungia, les liagnes cun pommes y i pans cialc cun Leberkäse. Mo chisc ultimi n'é nia propi de dër cëis, deache ai é pö ma na picia marëna, diji. Intrami é a öna che sce ara jiss ma bel mangiassi cern y patüc da cern taié sö ince prësc vigni de. Foradenia ciara ca Sarah cun n'odlada spordüda y ti dij a Erich: **"Ostro! Saste, ci che al m'é gnü imënt sëgn!"**

